

船

山

詩

草

船山詩草序

爾來作者彫文織采終朝點綴文章殆同書抄體裁
綺密便稱才子但自然英旨罕值其人張公名家子
有殊才仗氣愛奇自致遠大人實貧羸而文采高麗
推其文體不避危仄皆由直尋善自發詩端感蕩心
靈動無虛散因物喻志懷寄不淺甚有悲涼之句又
巧構形似之言無雕蟲之功而韻入歌唱是衆作之
有滋味者也至于吟詠性情羌無故實言在耳目之
內寓目輒書使人忘其鄙近然奇章秀句良有鑿裁
得景陽之諷詭含茂先之靡漫雖復千篇猶一體耳

嘗謂余曰我詩有生氣譬應變將略詎出經史縱有
乖文體亦能自迥出余謂文製理過乎辭精而難曉
此意銳而才弱也動輒用事拘攣補衲傷其真美有
蕪漫之累矣所以詩不得奇殆均博奕夫屬詞比事
但令清濁通流而鮮明緊健斯爲足矣陳思贈弟阮
藉咏懷謝客山泉王微風月季鷹黃華之唱陶公咏
貧之製亦何以加焉礫今所錄如流風迴雪似落花
依草一句一字賞心流亮每觀其文幽居靡悶欣欣
不倦請寄知者爾

乾隆壬子花朝集鍾礫詩品序遂寧靈泉寺僧道礫

船山詩草目並敘

自十五歲乾隆戊戌年始至四十歲嘉慶癸亥年止
共二十六年得詩三千五百五十二首刪存一千七
百四十六首分爲十五卷其甲子四十以後詩另卷
附後觀存者之有不必存知刪者之有不應刪矣愜
心之事難哉嘉慶戊辰冬日船山記時年四十有五

卷一

樂府

卷二

戊丁集

戊戌至丁未

卷三

戊巳集

戊申巳酉

卷四

出山小草

巳酉庚戌

卷五

松筠集

庚戌辛亥

卷六

乞假還山集

辛亥

卷七

乞假還山集

辛亥壬子

卷八

扁舟集

壬子癸丑

卷九

羸車集

癸丑

卷十

京朝集

癸丑

卷十一

京朝集

甲寅

卷十二

京朝集

乙卯

卷十三

京朝集

丙辰丁巳

卷十四

奇零集

丁巳至己未

卷十五

巳庚集

巳未庚申

卷十六

辛癸集

辛酉至癸亥

卷十七

依竹堂集

甲子至庚午

卷十八

出守東萊集

庚午至壬申

卷十九

藥庵退守集上

壬申

卷二十

藥庵退守集下

癸酉

船山詩草

敘目

船山詩草卷一

翰林院檢討臣張問陶恭撰

樂府

嘉慶元年丙辰元旦

太上皇帝紀元周甲授受禮成恭紀樂府十四章有序

臣問陶

拜首稽首言欽惟我

太上皇帝體

大圜絜大矩乾乾翼翼至于萬年無斁初元告

天不敢上同

仁祖紀年勤政歸政願以六十年爲期

帝用介祉符願遂初迺以丙辰元旦

授位

皇帝百禮舉

天人洽清宙職朗萬靈告祥民氣和樂盛哉斯世

臣

考禪讓俶落于五龍宏邈不可詳識自有熊
氏甲子迄于今卽四千四百九十有二年其
閒如姚姁姁三統迭承雖天下爲公非繼序
之正夏后不降異位于后扃與弟而非與子
唐宋之期事非得已尤無足道若我

太上皇帝請于

天于六十年之前康強逢吉十全大備從容具饗吉
祥盛事生民未有且承

家法不預建儲位癸巳緘

名通誠

青壇默禱于盛京

珠阜

天

祖俞其得人篤恩篤祐咸垂庇佑以至今日

皇帝率親王大臣蒙古王公薄海臣民上言請待

聖壽期頤再膺付託

太上皇帝未允

皇帝迺請于宮中用六十一年時憲書戶部工部
至于外省以迄回疆皆並鑄乾隆嘉慶寶文
以示宮中寰中億萬萬年同奉

一尊長膺

顯眷

太上皇帝既允

皇帝所請加勞勗勤不敢康若

帝之初

歸政訓政協祉錫義靡有涯涘臣備員詞館恭覩

大聖人建中和之極。神運萬幾。臻于極盛。悅耳飫心。

口不能宣。惟念臣生西川遠方。自臣高祖臣

某備位大學士。以迄臣曾祖祖父仰受

恩遇。已及五世。臣又以菲材珥筆。禁近每於

太上皇帝聽政御門之旦。覲

天子之光。不敢無所稱述。以導揚盛美。而頗鄙漢人

爲樂府歌辭。寶鼎芝房。侈陳祥瑞。天馬誇張。

神異明堂辟雍。事本典則。又畧而未備。亦其

時無大功德。不足舉其詞也。臣謹奉

太上皇帝不言瑞物。不受尊號之盛意。爲樂府十四

章據實數美以六十年之醇懿鴻龐純嘏曼
壽具于篇

太上皇帝初元告天六紀傳位行健貺符

聖壽彌康作元運符第一

元運符昊貺臻壽躋丙龍飛辰吉曜環環重輪瑞延

喜融祥氣煦宙合春臺春乾清宮皇極

殿天中天旦復旦邁堯勲勤弗倦右第一章

太上皇帝明德馨帝三大祀必躬萬祀若初日朝

月夕秋讌春舒作奏天儀第二

奏天儀躬對越德馨久與天一維天壽

帝全界所覆。甘和歲年。光華宇宙。百神迪嘗。中祀周
泰元富媪。咸丕庥。堯舜觀河。五老游。

聖躬福備天錫疇。

右第二章

太上皇帝顯融。

祖烈昧且環誦實錄。四謁山陵。篤祐惇宗。五代一

堂。天潢派衍。得十一世。作大孝備第三。

大孝備功纘。

祖兼守初綜文武。

皇集成德揚詔宣駿烈。恢厥宇。精誠孚。神皋兩庭燎。

晰晰月出光。五朝寶錄陳焜煌。訓謨環誦夜。

未央溯洪源。培慶系黃祚。繩承十一世。乾
清宴。惇敘宴。敘功錫爵。需雲徧四星。明正
成綺文。慶雲葉葉濡。霽仁。右第三章

太上皇帝綜理庶政。耄勤加勞。惟日孜孜。六十載如
一。印作所無逸第四

帝所無逸。道符乾行。聽政批章。於穆惟純。春和講筵。
秋肅行旃。疆吏時覲。樞臣日宣。壽衍九秩。心
周八埏。雖允淳西。陬絃大順。亶厚亶聰。天恒
聖敬。右第四章

太上皇帝子惠元元。雨暘念徵。矜慎庶獄。覃澤賜祉。

三免漕糧。五免正供。一免積欠。偏隅水旱蠲
貸無算。作民懷愉第五。

民懷愉。恩洋溢。綏屢豐。甘霖必。祥刑祥。白雲
霽。普蠲累。詔史所無。增增淥澤。融醴醴。德星
昭庭象。載瑜仁。暢惠渥。歌康衢。羣生軒抃。

皇樂胥

右第五章

太上皇帝幾餘吟詠。皆切于用人行政。愛民育物之
實文三集。詩五集。聖學淵涵。日新富有。作
雲章倬第六。

雲章倬。筆造化。礪德隅。彌清暇。涵萬存。身敷極。經緯

聖謨襲六爲七。丹霞麗天。義鴻藻密。緝熙單
心。臚實政。萬紀萬編。開治鏡書契以來惟一
聖。右第六章

太上皇帝釐定禮器考正樂譜補建園水肇舉常雲
制作復五三之舊作典商皇第七

典商皇述倅作雲升香辟雍樂彝器陳鑿儀
恪臨江鐘和闐磬宮羽調詩樂正回部舞番
部舞西藏舞中和韶樂超千古燕翼雲仍報

天

通右第七章

太上皇帝典重時巡。行慶施惠。吳越齊魯。臺懷津淀。
清蹕所臨。無非事者。作迎鑾舞第八。

迎鑾舞。臚歡普。祥煙齊。嵩高瑞靄。涵綏輔環。
河際海陽和煦。臺麓慈雲岱宗雨。

翠華來。醴施惠。

翠華旋。恩膏沛。敷天喁喁望。

翠華衢歌巷祝。靡津涯。右第八章

太上皇帝慶榜八啓。五經並試。化雨洋溢。耆英昇秩。

鴻詞試于元載。三大禮賦獻于行在。四庫

七閣。睿定耨耒。觀文化成。以惠萬世。作奎

躔明第九

煌煌奎躔明南面開書城羣言會歸極味腴
怡皇情文昭七閣光九瀛人人拭目遊鄉
嫺鳳羽麟士林吉膀維慶衍耆膺恩錫博采
文賦大裊鴻筆五經紛綸

君作師廻鵠達路

皇之儀與天無極承蕃釐

右第九章

太上皇帝睿謨獨斷所向克捷十功膚奏拓地三萬
里隩窻向風王會萬國土爾扈特來歸英咭
喇荷蘭諸國從古罕通中夏羽毛玉帛並集

文閣作大武場第十

大武場

帝信天。算百勝。功十全。封汗王。覲伊棉。恩威濟。疆無
邊。疆無邊。南朔同。西濃西。東瀛東。金葉表。貝
葉經。雞翎花。帽胥來庭。九譯通。通荒裔。呢噠
嗽。英咭喇。航海同朝。

大皇帝 右第十章

太上皇帝龍飛六十年乙卯九月初三日將以孟冬
頒朔冊立 皇儲慶節錫壽南郊告天前星
定位作貞萬邦第十一

貞萬邦延重光。恢鳳紕開青陽。錫壽祉崇元。
良泰壇薦帝馨。瑤閭星輝海潤。蕃家祥毓慶。
繼德重離明。函蒙禔福鴻以昌。篤收純祐偕。
無疆。右第十一章

太上皇帝預却尊號玉寶玉冊特勅盛軌作泰元尊
第十二

維泰元尊蕩蕩難名。駿宣鴻烈肇却徽稱。篆
寶鐫冊聖作天勅。福衍十全壽隆。

太上垂萬世法奉天下義。撓甲廻環億齡承貺。
章。右第十二章

丙辰元正大廷授寶恩詔普頒懋典參天
地誠從古史冊所未有作肇鴻儀第十三
肇鴻儀元日詔傳心傳子大圓溥幃勲華一
家輝煌離照

聖壽康強親授璽黃雲縈殿中起

皇天

烈祖其有喜暢垓溥埏恩一體上儀肇定熙事成曠

隆往牒維

聖濤右第十三章

太上皇帝法

船山詩草卷一

祖養老上春之吉御皇極殿再舉千叟宴歛福錫福
億年無疆作京垓壽第十四
京垓壽歛福錫吉祥瑞人成聚神揚揚酌泰
尊眺瑤堂維帝冲齡侍

仁皇今子

天子進萬壽觴自王公卿士四民屬國各各依龍
光曰耆曰艾胥兒孫輩行春祺布愷溥蒨康
貞元符會萬紀膺天慶右第十四章

船山詩草卷一

船山詩草卷二

遂寧 張問陶 仲治

戊丁集

戊戌

壯志

三十立功名。四十退山谷。不見兩鬢霜。英雄死亦是。
咄嗟少年子。如彼玉在璞。光氣未騰天。魑魎抱之哭。
人生不得志。天地皆拳曲。慷慨對中原。流年何太促。
落拓大布衣。許身非碌碌。四十四萬言。隱軫匡時略。
爲天子大臣。上書繼臣劾。

漢陽

揖讓羣峰勢容予一壑謀有身從海角無夢望刀頭
貧賤悲生事山川接壯遊英雄畱戰地沙樹落殘秋
巳亥

寓目

寓目滄江上。天光屬曉晴。草根春露濕。雲際塞鴻驚。
竹亂若無路。松高時有聲。微風起蘋末。遙辨鄂王城。
庚子

梅

凍禽塌翅飛模糊。見人影。林寒夜開未一院。古苔冷。

望遠山

雲氣東四山山勢各嶄絕獅象爭向背巨靈手親裂
陰崖不可窺中有秦漢雪

辛丑

漢上暮春

魚苗初出水十里浪花圓客有登樓賦家無負郭田
雨來迎社日春到浴蠶天信美非吾土岷峩落照邊
喜李半亭舅氏自滇南來漢上

燁瑣

萬嶺危南詔千江隘益州帆檣天上過沙水劫前流
蜀鳥多啼雪蠻花不感秋弓衣人競織新詠遍荒陬

已過三年別真從萬里歸
難難見華髮辛苦問征衣
馬足風雲壯蠻江日月飛
更闌頻問訊欸欸話庭闈

雜感

識得劉郎才氣無長年側目
看江湖未應入世馴龍
性也復論交到狗屠落日
彎弧金箬瘦牢愁呼飲酒
錢廳布衣不合飢寒死一寸
雄心敵萬夫

笛聲吹鶴下西樓門外寒江
萬古流讀賦偶來尋楚
澤買田時擬住常州家無
擔石如劉毅人許功名似
馬周極目塵寰幾知已中
原落日一回頭

壬寅

早春遊泗陽舟發漢上口占

客裏重爲客。饑來百事非。一舟如許大。三匝竟何依。
欲死悲囊粟。無才負布衣。春鷗吾愧汝。清遠背人飛。

新堤舟夜

六詔親庭遠。三巴歸路長。全家寄江漢。獨客近瀟湘。
天與無根蒂。人誰足稻粱。牢愁爭萬古。慷慨意難忘。

臨江歎

駭浪蹴日迴。驚濤激雲上。我舟一葉輕。勢與水天抗。
回頭閭闔生。遙慨目中久。已無瀛海瀛海遙。環九九
州蒼茫宇宙皆浮漚。我似太倉一稊米。無衣無食依

南紀嗚呼古來烈士多苦心夜深一誦猛虎行

畢展未懷圖

先生招陪秦岵齋

朝銜

王奉齋

延璋

兩先生登大別山拂雲樓分韻得雲字

鸞鵠並高峙短翼不及羣一樽山水外猶足張吾軍
是時赤日流酷暑方如焚人聲集下界擾擾鳴飢蟪
誰知樓上客高極清無聞題詩招天風拂紙飛晴雲
醉磨墨一斗禿此中書君惜哉河朔飲長空日易曛
抱情各有適天闊江沄沄

漢陽容舍題壁

翦紙難招久客魂此身飄泊任乾坤江湘風雨秦南

郡中息雲山楚北門一樹枯槐憐庾信十年秋柳泣
桓溫故人小別今如雨零落春衣舊酒痕

驟雨

奇雲挾雨至迫以千里風乾坤白浩浩萬馬鳴空中
我居實湫隘譬彼筴與籠陰氣動破壁薜荔青濛濛
自傾一壺酒魂褊難銷鎔夢中窺海日意氣始得雄

羈旅行

男兒生不識鄉里南船北馬伊胡底長劒銷磨四海
塵萍蓬不得誇弧矢吾聞馬周落拓新豐市誰爲爲
肩悲失翅躩屈龍伸指顧間英雄不下窮途淚鴈肩

書客在泥滓一心欲逐枯蘭死十載哦詩壯志消中原對酒雄心起

檇櫟

曾向中原策馬來蒼茫舟楫入荆臺湘南春水思騷客潁上秋風憶霸才四海無家長作客百年如夢且銜杯亦知天地容檇櫟敢說空山老大材

卽事

歲云秋矣天氣清四山山木皆秋聲碧湖干脆蟹奴聚黃葉半林蟬子鳴煙波蒼蒼水風急雷雨黯黯溪雲生忽過絳塵散花室老僧扶病相逢迎

城北一帶田家

鷹鷂呼長雲魚龍逼頽岸江流闊萬里波勢來天半
山根鬼工鑿千古石凌亂何代鋤爲田扶犁滿南澗
杉皮小屋子四壁垂蘿蔓朝耕課妻子夜飲逢親串
骨肉聚鄉井亦可忘貧賤生死南山坡安知離別幼
詩發平情情觸于遇哀樂殊致比興生焉蟋
蟀在堂魏風有歲暮之歎燕燕于飛邶風有
差池之泣而且申旦不寐哀彼宵征翩其懷
歸木葉黃落其人莫不有如泣如訴之情抑
鬱于中而無端以自見故一旦觸于所遇形

諸吟咏遂不覺其宛轉附物招悵而切情焉
矧余客子畏人飢寒飄泊傷離送遠之情較
詩人所遇殆有過者當夫秋風乍起庭樹萎
然絡緯夜啼頡頏下上淒戾之音顛顚可憐
之狀神飛色動慨然有感于身世之間雖欲
尋至樂于南華譜無愁于北府豈可得哉爰
託于比興之義作蟋蟀吟秋燕飛二篇非敢
附風人之末而謂詩或可以窮工不過拾九
辨之遺以見悲易生于秋士爾

蟋蟀吟聲斷續咽。嗚不勝啼。清商動林木。鷓鴣筋作
琵琶絃。鐵撥夜彈水靈曲。有客沾羅衣。熱淚忽盈掬。
渾沌鑿死三萬秋。人間何物能無愁。英雄失路吞聲
哭。烈士途窮悲擊筑。詩三百篇大抵賢人發憤之所
爲。千古窮愁同一致。後啼與前泣。不待相摹追。爾豈
感于死生離別之不容。已迎霜號月鳴聲悲。一聽感
孤吟。再聽若爲賡。呼儔復嘯侶。中夜萬羽憂憂鳴。素
女破瑟之絃二十五。一絃一柱皆商聲。胡笳乍拍千
人怒。楚歌四起一軍驚。何不學爲鸞笙鳳吹悅人耳。
無乃造物賦爾偏多情。蟋蟀吟重唧唧。曉露深草根。

濕如驅萬馬長城海黑天高秋氣清爾胡多不平豈
獨放臣逐子棄妻怨友耿耿不能寐我亦聽此心忪
忪明星熒熒大如月欲眠未眠聲轉烈一燈欲死東
方白

秋燕飛

秋燕飛。負香易銷歇。春去不如歸。客巢非故壘。主人
焉可依。何不呼羣聚海國。且待明年春草肥。胡爲乎
四郊衰黃鷹隼擊。飄飄在萬里。猶著舊鳥衣。風塵惟
悴空爾爲忠臣義士。一旦出身許君父。慷慨驅車不
復顧。不則故家零落先疇燕。沒難爲耕。欲歸歸不得。

江湖浩蕩隨蓬萍。爾豈茫茫身世迫。綠江礫礫徒飢鳴。
避伯勞。侶凍雀。平原燕麥紛紛落。暮雨歸迷翡翠樓。
濃春夢斷。棲鴛閣。君不見山邱華屋變桑田。舊時
王謝無青氍。羈人遊子那忍見。空堂秋草合。落日復
誰憐。霜簌簌。風沙沙。烏啼餓鴟笑。欲去天無涯。含淒
繞枯樹。桃李何時花。吁嗟乎。瀟湘水闊蛟龍惡。燕兮
此肉將安託。客子悲秋慘不樂。月明況有南飛鵲。

寒夜吟

月色墮煙秋不曉。勾關弔月啼蛄老。秦箏絃柱十三
行。鉅蟬金雁彈伊涼。一夜凍痕生綠井。窺簾漠漠花

枝冷

神駒篇

良馬期千里不辨驥與騶卓哉武皇帝高識薄九霄
八駿絕蹄跡六閑久寂寥神駒西北來振鬣風雲驕
許身龍虎匹磊落不可招心懷周王駕目無汴水濤
長鳴立大野落日声蕭蕭五花散雲錦拳曲如麟毛
高蹄未經鑿氣奪千人豪居然自矜寵安用九方皋
飾以百寶絡綴以黃金鑣珠纓壓腦重連錢帖脊飄
持之獻天子未擬漢蒲梢

擊筑吟

久隱畏約無窮時。堂上擊筑將何之。君不見秦人食
馬。尙能報何況平生國士知。眼大心雄轉飄泊。驚鳥
羣中悲一鶚。餓死居然好布衣。乾坤不悔填溝壑。雄
飛雌伏總平平。浮世何須識姓名。寄語窮愁孟東野
新詩休作不平鳴。

居無門

居無門。頓覺神骨清。兩眼劃然明。九垓爲室。八荒爲
庭。瞋目直欲空寰瀛。獨游太古世。欲存外戶不閉之
高情。橫逆之來不必撓。撓人適以撓吾寧。魯勾踐原
非人。君不見齊慶卿。

由曉巢移居竹尾小樓

築樓不居人樓成已棄擲逆彼郢匠心聊取蔽庭隙
上下數十年積塵高一尺如英雄失路慘澹無顏色
卑陋在一隅峯曲乾坤窄空椽嘯狐鼠雜處鬼與蜮
當窗好竹樹翠雨收不得豈稱高明居宜付窮途客
我昔居雖狹完小殊精潔魍魎迫我去安能戀十笏
大地無所逃倦羽聊此集人有阮生淚樓絕庾公跡
撫茲悟生理物我成其僻竭來拔重關忽入魖蛇窟
怪形印鶴爪陰氣結人立恍惚若有憑森然豎毛髮
似非身可托且慶俗已隔脫帽執箕帚祛塵小收拾

掠草羅衾裊豔之以文墨何物訝見人梁閒聲啾啾
雨檐聞狸躡短檠飛蠟蟬天以昌吾詩何必呼偈仄
蒼茫十斛酒浩蕩千古月境遇本漠然壯心多所激
將往湖南秦帖齋先生以長歌贈行作此奉
荅卽以畱別

長身飢鶴毛羽修客心茫茫增百憂破釜生魚突無
火貸粟且謁監河侯買得輕航不盈尺揭牌自著飄
零客秋霜旣下衆林羸一片寒煙壓江自誰擘瑤箋
贈遠行草風沙雨悵孤征文遊曾接秦淮海獨譜離
歌動別情先生浩氣吞雲夢直以衙官卑屈宋醉後

揮毫墨瀋流湘波嶽石爭浮動濯錦坊頭賈傳祠昔
年鴻爪亦堪思長沙九月成衣未客子秋帆欲挂時
連朝風雨重陽節醉插茱萸不忍別新詩笑謝杜陵
人八尺江湖壯行色濯足行將望八荒巴陵水驛夜
蒼蒼回頭黃鶴西樓月秋思離愁滿岳陽

望夜

小泊垂楊岸天長一水明人如舟不繫秋與月同清
柝警魚龍夜風迴草樹鳴如何沙上雁辛苦又南征

鴨蘭磯

搖落暮天迴輕燒帶白蘋葉稀秋在樹江冷月親人

向水孤城閉環山野燒新鴨蘭風景別漁唱滿前津

臨湘縣

短櫂發臨湘迢迢水驛長過雲灑疎雨歸雁帶殘陽
岸靜千蟬響林秋一葉黃未須愁旅泊吹角近官塘
湘陰

十年夢繞湘江綠今日扁舟湘水曲青山影裏一帆
來沙樹微凋秋不俗三十六灣斑竹林船窗落日風
森森拈毫欲問倪高士如此丹青何處尋

癸卯

春日有感

萍蓬生計讓犁鋤。湫隘先人有敝廬。秋雨孤帆雲夢雁。春風旅食武昌魚。虞翻南海無知己。賈誼西京未上書。萬里白頭虛子舍。晨昏天末近如何。

醉後登李氏寓樓望月

落拓湖湘載酒行。高樓燈火動嚴更。春如短夢花無語。潮湧寒光月有聲。芳樹遠迷三楚闊。亂山斜抱一川明。謝郎今夜思千里。歌響臨風賦未成。

懷亥白兄

丈夫志功名。焉能惜離別。良時苦蹉跎。不憤非豪傑。六月黃塵匝地飛。騎驢遠作燕山客。憔悴烏衣百不

如少年惟讀等身書。神駒所向無空闕。且上金臺平望諸。我獨胡爲羈水國。不鳴不躍生涯拙。壯年銷損在窮途。家事如毛那可說。南詔歸帆望白頭。長安飛札待高秋。移家近日臨江住。比對江山無盡處。

月夜感懷

立秋前一日

夏木層陰繞舍涼。夜深微月映虛堂。無窮吟興因秋起。有限才華爲酒狂。家在夢中蹤跡幻。人如天外別離長。貧來不可爲生死。綠鬢臨風暗自傷。

題黃州陳春亭漢上寓圃

故人高咏處。天地繞孤樓。落葉半山雨。涼蟬滿樹秋。

萍蹤悲漢水鶴影夢黃州我亦窮愁客生涯付白鷗

題彭田橋詩後

蕙支

世間裘馬皆年少潦倒如予更有卿謬算竟思投筆
去狂謀忽欲藉詩鳴直從商羽彈孤調豈信離騷是
變聲妙句怪多湖海氣相看原未擬儒生

江上

雨止日沈西寒煙壓水齊秋連平楚闊天八大江低
帆遠衝雲出蟬悲隱樹啼草堂容笑傲人擬浣花溪

郊居

清溪荷葉過人頭人倚高寒水上樓紅樹倒吹三日

雨黃花補種一籬秋蠻奴飛鞚學盤馬老嫗隔林呼
飯牛坐看兒童皆楚語幾如賈島客并州

娑羅木

雲南四時如春地煖氣厚蔽生深山大壑中
一草耳歷百年不朽大盈拱把形如龍質黃
紋黑纍纍如鱗甲者然土人呼曰娑羅木實
非娑羅樹也

老龍八山山氣王鼓腹欲飛鱗甲壯儲英廣莫幾千
春一莖草現丈六身樗櫟輪囷松柏固大材難用皆
天數風雨聲從地下來尋常匠石空回顧君不見神

州草木蔚靈秀託根不及蠻荒壽

寄人

幽人月下來衣上秋蟾影一別幾春風江南花樹冷
思君春夢綠遙見江南山離心如日月縈繞何時閒
草長鶯亂飛人煙聚高柳虛堂履綦絕誰餉聽鷗酒
君家近蓬島菖蒲花紫茸與君約遊仙相期海上峰

甲辰

愁

肅霜裘薄夜寒驚遠對殘燈坐到明病鶴支風孤不
語疎梅補月兩無情頭顱安保長如昨飲食寧甘送

此生天地併功神
鬼集替人一概築愁城

春日感懷

寫遍蘭枝與竹枝
楚騷哀怨有微詞
欲將愁去多風雨
不喜春歸易別離
狂到杜陵甘作客
窮如東野例工詩
人間少壯無多日
莫待秋霜染鬢絲

良時一擲已蹉跎
幾卷殘書記轉訛
髀裏肉生閒不得
牀頭金盡命如何
情含楚雨風流苦
怨寫湘簫涕淚多
知己近來無宋玉
九譌深意半消磨

怪來何事寄天涯
逝水流光感歲華
舉世不逢孫伯樂
一生惟哭賈長沙
劇憐煙月人人客
祇合壺觴處處

處家回首先疇邱隴廢到今無地問桑麻

黃雲白水動蒼茫雪滿春林夜有光氣轉乾坤猶冷
淡時來花鳥各飛揚百年扶醉逢人日萬里登樓憶
故鄉熟讀離騷還痛飲風塵偏笑不狂狂

重有感

伏櫪長鳴萬馬驚唾壺擊缺氣難平自甘縱酒逃風
雅不欲因人著姓名醉後春泥三徑滑夢回雪屋一
燈明拊牀忽憶劉琨語莫道荒雞是惡聲

蓬根吹斷更何之雲散風流感故知梅好不妨同月
瘦泉清莫恨出山遲一寒如我辭林鶴百事輸人打

劫礮欲覓南鄰諸酒伴雨疎煙澹各天涯。

雪中遣興

荒雞上鄰樹啼破冰簾月殘夢五更寒虛幃一燈白
鐘聲湖寺啟人語江船發暗牖掩晨光時聞鳥啄雪
月夜懷秀水馬五

鴛湖今夜月照我草堂東却憶鴛湖客相思應復同
春風寄愁去煙水青濛濛遂有相尋夢胥山海日紅

散帙得衛訥旃先生

德威

遺詩因感先生歿

後詩卷散軼略無存者慨然有作情見乎詞
神龍無全形古鶴有遺響斯文竟零落浮世吾安傲

風騷豈墜地終只在天壤歲晏祭何方蒼茫付心賞
先生昔未遇才與年俱長十上所著書寒蟾如秋榜
放浪爲歌詩下筆何蕭爽軼羣不及羣萬馬空馴養
遂輕一日名時重千秋想夜夜斗牛邊其光應萬丈
俄來霹靂文一召君長往我自哭劉蕡人誰惜任昉
西華尙練裘舊冊誰拔擢古今言數奇似此幾無兩
赤水遺元珠何人求象罔會羅九州鍊大鑄珊瑚網
甲辰三月由漢陽入都紀別

人生惟別苦灑淚出庭闈骨肉此身遠風塵何日歸
勢難營菽水情豈戀輕肥前路蒼茫極傷心問素衣

夜行

不遣征魂定。東風夜放舟。夢猶隨蝶化。身已逐萍浮。
岷嶴嗟行役。雲山入臥遊。但能營菽水。何必問皇州。

曉發

舟行水氣空。露白晨星小。高樹帶殘鐘。寒煙滅飛鳥。
陂田新雨足。茅屋一燈曉。林外桔槔聲。飯牛人語早。

荒洲夜泊

風急灘高夜水渾。角聲吹月欲黃昏。不知何處歌楊柳。
年少青衫有淚痕。

舟抵襄陽

快槩凌流捷有神，縠紋江水碧粼粼。
辭家心緒眞如醉，賦別年華不似春。
峴首尙懷羊叔子，魚梁空弔孟山人。
夜深誰唱銅鞮曲，柳葉蘋花接漢濱。

光武故里

白水遺龍種，春陵鬱帝基。
南陽新將相，司隸舊威儀。
大樹悲荒宅，神鴉澹古祠。
英雄攀附地，下馬拜殘碑。

曉行

人語夢頻驚，轅鈴動曉征。
飛沙沈露氣，殘月帶雞聲。
客路逾千里，歸心折五更。
回憐江上宅，星漢近平明。

大道

大道風塵遠真能化素衣兩行春樹直一片亂沙飛
八世情無賴依人事恐違江頭舊茅屋鷗鳥自忘機

獨樹店

馬策無情趁急裝繫愁千里盡垂楊人聲漸異知家
遠歸夢難真愧別長宋玉有懷仍憶楚相如多病更
遊梁縱然宛葉青山好爭似荷溪舊草堂漢上客寓後臨荷溪

開封客夜感事

三月梁園澹似秋可憐零落到枚鄒莫將詞賦求知
遇往日相如已倦遊

開封旅館壁間韻

十年忘盡中原路。弔古重來匹馬遲。俠氣全銷朱亥。
市戰雲不下。信陵祠。飄零自惜身名賤。榮落難窺造
化奇。明日長帆渡河去。更誰和我壁間詩。

鄴中弔謝茂秦

詞客支離豈諱窮。枉將車笠託羣雄。大名應恥居王
後。奇骨真宜葬鄴中。白雪詩壇元不古。朱門交道況
難終。荒墳頽墮無人弔。并爲憐才哭計東。

彰德

振策遊河朔。長楊覆古濠。迴風漳水急。積雪太行高。
鄴下才人健。西園逸興豪。獨憐公讌日。王粲亦青袍。

閏三月十五夜行

客路偏逢閏流年付別離夢回春盡夜人倦月圓時
地迴平原闊天垂匹馬遲途窮兼僕病白髮竟如絲
途中髮有白者
數莖故紀之

綠隱書巢寫懷

窗外有葡萄一架

露葉風枝絕點塵卜居剛及餞殘春夢回月暗聲疑
雨日午窗虛綠浸人門外軟紅迷世境眼前空翠似
山鄰幽期畢竟從吾好一卷南華寄此身

月夜展讀亥白兄書札

君昔遊京華我居沌水北思君遠寄書瑣屑動盈幅

船山詩草卷二

七

一紙逐鴻飛，離愁滿心曲。今我客京華，君居沌水陰。
翩然通尺素，重若雙南金。想君下筆日，似我當時心。
泛泛楚江萍，蒼蒼燕市月。人生無百年，八載三離別。
秋風萬里來，歸思憑誰說。宛轉讀君書，一燈澹于雪。

幽并

幽并秋氣早，黃葉滿林蟬。何事能千古，無端又一年。
酒隨詩共廢，愁與病爲緣。欲買楞嚴讀，從師問坐禪。

早秋夜雨寄懷畢展叔先生

寄訊西籬客，江聲落枕寒。鷗情諧世苦，詩律課人難。
舊雨如星散，浮生作夢看。祇陀林水榭聯吟者五人
素帖齋先生南歸王奉齋

先生去世子遊京師舊社中人惟展未別來多逸興
與吾兄亥白耳殆不復有文酒之會矣
古調向誰彈

杜甫秦州作天真協古風從來惟白眼終歲感飛蓬
詩骨秋逾鍊禪心老更空世人渾不識舉酒酌青桐
展未寓圃有青桐一枝故其詩有人坐青桐餘病骨之句

秋花仍聚蝶風葉已辭林賦別三春遠相思一夜深
及羣憐短翼聽雨憶同心今夕南歸路寒煙夢裏尋
永憶題襟集聯吟阻太行乾坤容我輩風雨嘆殊方
擊筑秋雲紫騎驢塞草黃遊燕無意緒暫醉酒人傍
書巢臥病深夜聞雨遂不成寐

月黑夜沈沈。風窗黯客心。蟲聲愁外集。秋氣病中深。
骨弱衾逾重。家遙夢自尋。更闌聞驟雨。歸思倍難禁。
袁渥吾畱郎

古寺垂簾語寂寥。禪茶僧飯暮蕭蕭。似曾離別情俱
幻。重語家山夢轉遙。綠鬢不辭同作客。黃花有約定
相邀。遠遊日月堂堂去。珍重流年最易銷。

蘆溝

蘆溝南望儘塵埃。木脫霜寒大漠開。天海詩情驢背
得。關山秋色雨中來。茫茫閱世無成局。碌碌因人是
廢才。往日英雄呼不起。放歌空弔古金臺。

過先文端公舊第

往事平津地望尊只今車庫亦無存
疲驢破帽長安道誰識烏衣舊子孫

愁吟

新題欲滿浣花箋
席煖方知坐榻穿
冷落琴書虛壯歲
寂寥燈火逼殘年
鶯肩自古多騰上
呵壁無勞獨問天
入世近來如退鷁
著鞭恐讓祖生先

乙巳

元日

祭詩昨夜望春歸
忽地春塵傍客飛
禿尾驢忙懷舊

刺長鬚奴老授新衣經年一笑隨蓬轉隔歲無書恨
雁稀飲罷屠蘇不成醉南雲回首獨依依

靜夜

夜氣聚簾額虛廊若有人鴉寒驚見月鶴病畏逢春
燈暗風窗逼衣涼雪硯親關心惟藥裹料理苦吟身
曉起

房櫳敞虛白曉色上簾幃初日寒雞靜晨風怖鴿飛
開軒籠絮帽緩帶試春衣羨煞南山豹煙霞老翠微
琉球刀歌爲周補之廷授作

烏夷作佩求元金紅鑪夜鑄東海深七寶裝成贈華

客一片冰蛟射人白攜歸遠自伊奇麻晶瑩照眼生
空花水光霞彩絢金碧曾采扶桑十日華鏤鏤空明
無繡澀秋霜秋月爭寒色枉將切玉炫西湖不用攬
環誇大食歡斯開國異姓王何曾橫海勤梯航空傳
寶詔虛隋代幾見揮戈黠漢皇洪武以還修貢職旄
頭寸鐵不加飾歲遣銀簪耳目官速香寶扇紛如織
更遇天朝王會新金函玉冊去來頻詔書特免
歸名馬宸翰常聞賜外臣輸誠從此心逾密此刀
時復充庭實敢令虎氣匿窮荒要使龍光護雲日
聖人格遠輕神葵安用吳鉤與孟勞姑米百年迎使

節昆吾一擲比鉛刀堯封禹貢原無盡中外一家通
獻贈人間覓得重摩挲撫物長欽天子聖我從去
年遊帝京主人愛刀懸碧豐爲言雷雨破檐柱如聽
鈴鐸匣裏鳴昨夜酒酣雙耳熱主人示我驚奇絕纏
身側潤鵬鵠膏破膽橫飛梟獍血拔鞘起舞爲君歌
蒼茫冷霧纏星河藏鋒可待張華識試刀聊隨賈島
磨我聞呂虔舊佩遺王覽貂蟬奕世陪雕輦烏衣名
望似君家百鍊還期君自勉學劒年年嗜遠遊慙余
飄泊如風鷗浮蹤擬遍九瀛海壯志徒存一剗縠乃
知利器因人別鬱鬱塵埃那可說彈鋏長歌繞指柔

投刀顧影肝腸結燈燼歌殘墨未濃雄心勃勃難銷
鎔毛錐自笑書生拙何似將軍奪命龍

風夕不寐

鼎沸地鑪紅茶香鼻觀通明燈三尺几矮屋四圍風
嗜好憐書蠹支離傍藥籠客心如落月終夜照湘東

卽事

天涯春色太匆匆銷向愁中復病中野樹尙稱無恙
子男兒翻作可憐蟲爐灰靜撥空書悶馬稍橫盤始
得雄往日故人誰在眼鶯花回首大江東

念故山

九言五
卷二
三
驢背空懸舊錦囊到來已是一年強花窺簾幕餘春
色鴉點雲林易夕陽縱有明珠誇亥既恐無神劒擬
干將歸歟好買成都酒喚取當鑪典鷓鴣

贈杜秋溪

羣玉

丈夫破萬卷寢饋千古事譬彼鼎與盤望之自典貴
杜公褐裘來頗饒湖海氣頭角突崢嶸齒牙洞靈慧
相逢殊偶然一笑遂心契誰暇悲窮愁縱談聊快意
絮絮不甯休自辰每及未人言君魁梧我覺公娥媚
才名三十年矯矯人中驥心血儔雄文筆鋒蘊奇字
詞章終小道何足了吾輩行當飛雙鳧展布及中歲

莫輕百里封天心卽此寄志士行胸懷豈必據高位
百來神明宰定由清白吏洗滌溫飽心便可彈琴治
昂藏七尺軀珍重風雲誼下撫林總民上酬明聖世
遊安化禪林贈法靈果圓兩師自先銀臺至
予兄弟與寺僧相識四世矣

歷落雙輪未惜遙偶來鹿苑話迢迢僧移花影皆寒
瘦秋入蟬聲更寂寥尙憶當年畱玉帶且拚今日醉
金貂生公看慣升沈事粥鼓經魚目暮朝

乙巳八月出都感事

秋風又襲客衣涼人海漫漫笑獨藏近水有心思結

網補牢無術救亡羊甘年裘馬輪紉衿千里琴書賸
錦囊持較泥鴻更飄泊香南雪北任迷茫

出國門驅薄笨車抽帆萬里指吾廬亦知蜀道真難
上可奈長安不易居餬口那能還井邑因人轉得問
鄉間寒宵預想巴渝月峽石林猿入夢虛

寇公家計魏三詩鼎鼎樓臺絕妙詞廉吏兒孫貧不
諱先人清白世原知久將寒士題名刺惟把閒心付
酒卮故國殊方俱落拓山靈休怨客歸遲

百年優孟舊衣冠合作登場傀儡看過眼榮枯皆暫
蠟切身經濟是加餐遊隨極浦雙鷗遠夢倚歸裝一

劍寒只恐桑乾橋下水笑人來去總無端

瀆流

臥聽海客說瀛洲今日拙帆下瀆流濁水一灣卹市
冷神鴉千點廟門秋支離欲蓄三年艾浩湯誰馴萬
里鷗此去蓬山應不遠只愁風力引飛舟

武城

雉堞迷離返照空武城山色有無中誰從耿介收奇
士可惜絃歌是古風一代好官真落落千年過客太
匆匆衰時爲政談何易莫歎牛刀際遇窮

登焦山

四面江聲湧翠鬟海門高處豁心顏志存舟楫知誰
子歷盡風濤是此山呼吸便疑通帝座扶搖直欲去
人間滿巖松石皆仙骨應笑狂奴不肖閒

臘月初一日燕子磯遇陳棣園典冑父子

隔水何人識姓名推蓬乍見若爲情煙波執手皆疑
夢天海驚心共遠征梗泛十年憐薄宦萍蹤千里笑
浮生忿忿又作蠻江別今夜孤帆缺甕城

金陵阻風卽目

不許歸帆趁晚潮西風十日九停櫓魚龍浩蕩三山
暮吳楚青蒼一火遙鴉帶斜陽立牛背人攜暮景在

山椒過江名士皆黃土祇剩濤聲似六朝

鳩茲道中夜行

客夢渾無際推蓬浩渺間
鷗貪雲水福犀露鬼神頑
月影經冬瘦江流入夜閑
吟情何處是謝朓有青山

丙午

過黃州

蜻蛉一葉獨歸舟
寒浸春衣夜水幽
我似橫江西去
鶴月明如夢過黃州

正月十三日過道士泐

郎西塞山

夜水茫茫白孤舟萬頃開
乍看明鏡合忽湧斷鼇來

柁轉神魚出崖崩老鶴哀綠林聞聚嘯生死莫相猜

入峽病中同亥白兄作

峽石無春色不秋森已寒終風欺病骨駭夢怯驚湍
久客飄零慣長貧去住難西歸訪田舍蓬蒿未應完
廿載爲兄弟謀生事事違一寒何至此三匝竟無依
齒壯親逾老心枯髮漸稀相看懷往事熱淚灑春衣
泛宅吾家事艱難上峽船飄飄攜八口艸艸問三川
乞米多新帖躬耕少薄田經時到茅屋破釜定空懸

沙磯

在台州小
三峽江中

危磯高並影岵巖春煖涪江綠未消入峽似逢雙轡

願隔波如望小松寥身浮水驛天真險心急家山路
轉遙何處荒村村酒熟亂泉聲裏暫停橈

初歸遂寧作

北馬南船笑此身歸來已是廿年人敝廬乍到翻疑
客破硯相隨不救貧風露驚心憐病鶴關河回首歎
勞薪高堂秉燭團欒夜賸脫烏衣付酒緡

悼亡

周孺人歿
于涪州

髣髴維摩示疾身葑爐經卷日橫陳卽看飲食皆多
事漸苦形骸亦累人夢豈能真休罵鬼骨如此瘦欲
通神世間甲子須與過半局棋殘已廿春

丁未

鹽亭

落日鹽亭縣人煙不滿城
短林分野色亂石漱江聲
天碧紅雲秀山蒼白鳥明
杜陵詩境在寂寞古今情

潼川夏日遊琴泉寺

卽唐惠義寺有少陵詩碣

同遂寧李

明府作

人天無故物蕭寺亦更名
留佛看今古龍詩寫性情
花繁迷碣影山靜覺琴聲
笑謝同遊客觀空句又成

家居感興

尋常驅馬卽天涯
臘雪春風感歲華
不及簾前雙燕

子年年來繞故園花

丁未九月贅成都鹽茶道署呈外舅林西厓
先生

飄搖塵海壯心驚
楚水燕山又錦城
舉酒且澆齊贅壻
窮經難讓魯諸生
渾河九曲終千里
大鳥三年始一鳴
慚愧祁公能愛我
夜窗來聽讀書聲

船山詩草卷二

船山詩草卷二